

Itangazo ryihutirwa
CONTACT: Jackie Lewis
REB Communications
L3@edc.org
0784187997

Inama ku rurimi rw'icyongereza mu Rwanda

Kigali, Rwanda—2 Kanama 2013

Ku itariki ya 1 Kanama 2013, Ikigo cy'ighugu gishinzwe uburezi (REB) cyatumije inama yahuje abafatanyabikorwa b'ibanze mu iterambere, aba 'senior mentors' kimwe n'abashinzwe uburezi mu mirenge, ikaba yari igamije gusuzuma uko ururimi rw'icyongereza ruhagaze mu Rwanda, ingorarane ziboneka mu mikoreshereze yarwo, kimwe no gusuzuma icyakorwa ngo izo ngorane zibonerwe umuti. Inama yabereye muri Aberdeen House iherereye i Gaculiro mu mujyi wa Kigali.

Kuva aho muri 2009 hafatiwe icyemezo cy'uko inyigisho mu mashuri zizajya zitangwa mu rurimi rw'icyongereza, Leta y'u Rwanda ifatanyije n'abafatanyabikorwa bayo mu iterambere bashyizeho ingamba zinyuranye zo guhugura abarimu mu rurimi rw'icyongereza, kugira ngo bashobore kurukoresha neza kandi mu buryo bwihuse. Mu minsi ishize, REB yafatanyije na bamwe mu bafatanyabikorwa bayo barimo DFID, the Wellspring Foundation, kimwe n'umushinga ugamije guteza imbere gusoma no kubara (L3) ukaba uterwa inkunga n'ikigo cy'abanyamerika gishinzwe iterambere mpuzamahanga (USAID), batangiza hirya no hino mu gihugu gahunda yo guhugurira abarimu ku mashuri yabo mu rurimi rw'icyongereza mu gihugu cyose. Abatoza (mentors) igihumbi nibo bazahugura abarimu mu mikoreshereze n'imyigishirize y'ururimi rw'icyongereza.

Nk'uko Umuyobozi mukuru wa REB, Dr. John Rutayisire yabivuze kuri uwo munsi, iyi gahunda yiswe "School-based Mentoring Program" mu rurimi rw'icyongereza, ni imwe mu nkingi uburezi bufite ireme bushingiyeho. Yakomeje agira ati: "Ariko n'ubwo bimeza bityo bwose, ni ngombwa gukomeza gushakisha ubundi buryo bwose bushoboka kugira ngo iryo reme rirusheho gushimangirwa."

Umubare munini w'abarimu bigisha mu mashuri abanza n'ayisumbuye baracyafite ubumenyi buri hasi mu rurimi rw'icyongereza. Niyo mpamvu hagomba kujyaho ibipimofatizo bizafasha mu gukurikirana intambwe mwarimu agenda atera.

DFID yashinze impuguke yitwa Jean Wilson gutegurira Ministeri y'uburezi inyandiko isobanura ingamba zigomba gufatwa kugira ngo ururimi rw'icyongererera rurushehho kwigishwa neza. Iyo mpuguke yavuze ko hakenewe gahunda imwe mu gihugu hose kandi ikanyura mu byiciro, kandi ngo imbaragaza zose zikagira uburyo zihurizwa hamwe.

Nk'uko Jean Wilson akomeza abivuga, kugira iki gikorwa gishoboke hazakenerwa: amahugurwa y'igihe cyirekire y'abarimu n'ay'abashinzwe kubahugura mu rurimi rw'icyongereza, imfashanyigisho zikoze neza zizifashishwa hirwa no hino mu gihugu, guhugura abarimu mu

buryo bashobora kwiyigisha ururimi bonyine ubwabo, imatsinda bazajya bitorezamo gukoresha icyongereza, kandi icyongereza ntigikoreshwe mu ishuri gusa, ahubwo kigakoreshwa no mu rugo n'ahandi hose biri ngombwa.

Jean Wilson akomeza agira ati: "Ibi bizasaba imbaraga nyinshi, ariko u Rwanda rutabishoboye nta n'ikindi gihugu muri Afurika cyabishobora."

Iyi nama yitabiriwe n'abafatanyababikorwa bakurikira: The Education Development Center (EDC), The British Council, DFID, UNICEF, the International Education Exchange (IEE), Peace Corps, VSO, the Wellspring Foundation, na FHI 360. Mu ijambo rye risoza Dr. Rutayisire yavuze ko iki gikorwa cyafatwa nk'agashya mu myigishirize y'icyongereza.